

## PUNZOS SERRADOS

Punzos serrados  
immandrande isperas  
e isetos.

Bene cosidos,  
arraighinados,  
costoinde richesas  
e dinaris,  
istringhinde fortunas,  
balentias,  
odios e rancores.

Punzos mandigadores,  
ingugliones,  
ite serrades  
in mesu  
a deghe poddighes istrintos?

In custos punzos serro  
tota sa vida mia  
tribbulada,  
matanas  
e suores  
cun sos errores  
de sa zoventude.

Da ch'enit s'ora 'e fuere  
los aberzo  
semenande  
punzos de prudere  
a su 'entu 'e sa vida!